



ქალაქ თბილისის მთავრობა

დადგენილება № 19.09.914

„ 2 „ ივლისი 2010 წ.



ქ. თბილისი



„ქალაქ თბილისის მერიის საჯარო სამართლის იურიდიული პირის – ქონების მართვის სააგენტოს შექმნისა და მისი წესდების (დებულების) დამტკიცების შესახებ“ ქალაქ თბილისის მთავრობის 2010 წლის 30 მარტის N08.32.412 დადგენილებაში ცვლილებების შეტანის თაობაზე

„ნორმატიული აქტების შესახებ“ საქართველოს კანონის მე-20 მუხლის შესაბამისად,

ქ. თბილისის მთავრობა ადგენს:

1. „ქალაქ თბილისის მერიის საჯარო სამართლის იურიდიული პირის - ქონების მართვის სააგენტოს შექმნისა და მისი წესდების (დებულების) დამტკიცების შესახებ“ ქალაქ თბილისის მთავრობის 2010 წლის 30 მარტის N08.32.412 დადგენილების მე-2 პუნქტით დამტკიცებული ქ. თბილისის მერიის საჯარო სამართლის იურიდიული პირის - ქონების მართვის სააგენტოს წესდებაში (დებულებაში) შევიდეს შემდეგი ცვლილებები:

ა) მე-6 მუხლის მე-2 პუნქტი ჩამოყალიბდეს შემდეგი რედაქციით:

„2. სააგენტოს სტრუქტურული ქვედანაყოფებია:

ა) პრივატიზების სამსახური;

ბ) საწარმოთა მართვის სამსახური;

გ) უზრუნველყოფის სამსახური;

დ) ადმინისტრაციული სამსახური.“

ბ) მე-7 მუხლის 1-ლი პუნქტი ჩამოყალიბდეს შემდეგი რედაქციით:

„1. პრივატიზების სამსახურის უფლებამოსილებას განეკუთვნება:

ა) ქალაქ თბილისის თვითმმართველი ერთეულის ადმინისტრაციულ-ტერიტორიულ საზღვრებში უძრავი ქონების თვითმმართველი ერთეულის საკუთრებად აღრიცხვა-რეგისტრაცია და გამიჯვნა-გაერთიანება;

ბ) ქალაქ თბილისის თვითმმართველი ერთეულის საკუთრებაში არსებული უძრავ-მომრავი ქონების განკარგვისთვის მომზადება;

გ) მუდმივმოქმედი საპრივატიზაციო (სააუქციონო) კომისიის აპარატის ფუნქციის შესრულება;

დ) ქალაქ თბილისის თვითმმართველი ერთეულის ორგანოების, ქალაქ თბილისის ადგილობრივი თვითმმართველობის ორგანოების მიერ დაფუძნებული ან/და 50%-ზე

მეტი წილობრივი მონაწილეობით არსებული იურიდიული პირების საკუთრებაში არსებული (ბალანსზე რიცხული), ამორტიზებული ან გამოუყენებელი ქონების ჩამოწერასთან დაკავშირებული პროცედურების განხორციელება;

ე) მის უფლებამოსილებას მიკუთვნებულ კორესპონდენციათა განხილვა;

ვ) სამსახურის გამართული მუშაობის მიზნით, შესაბამისი წინადადებებისა და რეკომენდაციების მომზადება;

ზ) სამსახურის ყოველთვიური, კვარტალური და წლიური სტატისტიკურია მონაცემების მომზადება;

თ) საპრივატიზაციო ქონების ანალიზი და ბიზნეს - გეგმების შემუშავება;

ი) სააგენტოს უფროსის ცალკეული დავალებების შესრულება;

კ) ამ დებულებითა და სხვა სამართლებრივი აქტებით გათვალისწინებული უფლებამოსილებების განხორციელება.

გ) მე-7 მუხლის მე-3 პუნქტი ჩამოყალიბდეს შემდეგი რედაქციით:

„3. უზრუნველყოფის სამსახურის უფლებამოსილებას განეკუთვნება:

ა) სააგენტოს ეკონომიკური საქმიანობის სრულყოფა და ანალიზი;

ბ) აუქციონის ორგანიზება, ჩატარება და შედეგების გაფორმების უზრუნველყოფა;

გ) სააგენტოს მიერ გასაწევი ფასიანი მომსახურების კოორდინაცია, შესაბამის სტრუქტურულ ერთეულთან;

დ) დაინტერესებული პირების შესაბამისი ინფორმაციით/მომსახურებით უზრუნველყოფა;

ე) დოკუმენტბრუნვისა და საქმისწარმოების უზრუნველყოფა;

ვ) საზოგადოებასთან ურთიერთობა;

ზ) მონაცემთა ბაზების შექმნა, დამუშავება და ანალიტიკური უზრუნველყოფა;

თ) სამსახურის პროგრამული უზრუნველყოფა;

ი) მის უფლებამოსილებას მიკუთვნებულ კორესპონდენციათა განხილვა;

კ) სამსახურის გამართული მუშაობის მიზნით, შესაბამისი წინადადებებისა და რეკომენდაციების მომზადება;

ლ) სააგენტოს უფროსის ცალკეული დავალებების შესრულება.

2. დადგენილება ძალაში შედის 2010 წლის 12 ივლისს.

ქ. თბილისის მერი



გიორგი უგულავა